

Script of Morning Gojri News Bulletin 20 August 2024 at 1015Hrs

ما رنینگ گو جری نیو ز بلیٹن مورخہ 20 اگست 2024

یوہ آکا شوانی جموں بے محمد مبارک ماہر تیں خبر سُنو۔

JK Nomination

جموں کشمیر مانہ اسمبلی انتخابات غا سلسلہ مانہ اج پہلا مرحلہ غی نوٹیفکیشن جا ری ہون غے نال بی مرکزی زیر انتظام علاقہ غی حتمی انتخابی فہرست وی شائع کی جا ئے گی۔ تے اس انتخاب مانہ ووٹراں غی گنتری قریب 90 لکھ ہون غی توقع ہے۔ جموں کشمیر مانہ 3 مرحلاں مانہ ہون آلا اسمبلی انتخابات غا سلسلہ مانہ پہلی نوٹیفکیشن اج 24 حلقاں واسطے جا ری کی جا ئے گی۔ اس ضمن مانہ اُمید وار 27 اگست تک کاغذات نامزدگی جمع کرا سکیں۔ جد کہ کاغذات غی جانچ پڑتال 28 اگست نانہ وی گی۔ اُمیدوار 30 اگست توڑی اپنا کاغذات نامزدگی واپس لے سکیں۔ پہلا مرحلہ گا اسمبلی حلقاں واسطے ووٹینگ 18 ستمبر نانہ وے گی۔ واضع رہ جے 24 اسمبلی حلقاں مانہ انت ناگ، شوپیاں، کلگام، رام بن، کشتواڑ تے ڈوڈہ ضلع مانہ پہلا مرحلہ مانہ انتخاب کرایا جا ئیں گا۔ انتخابی فہرستاں غی اشاعت غے نال بی خصوصی نظر ثانی غا سلسلہ مانہ عہدیداراں نے کہیو بے کہ علاقہ اور ووٹراں غی گنتری غے نال فہرست اس وار زیا دہ اہمیت غی حامل ویں گی۔ کیونجے حلقہ بندی کمیشن غی طرفوں اسمبلی نشستاں غی گنتری 83 تیں بدھا غے 90 کرن توں بعد کئی سارا اسمبلی حلقاں غی حدود نانہ تبدیل کیو گیو بے۔

CS Tourism

چیف سیکریٹری اتل ڈلو نے رواں بہرے 20 اکتوبر نانہ ہون آلی کشمیر میراتھن 2024 غا انعقاد غا سلسلہ مانہ محکمہ سیر سفاح نال تیاریاں غا با را مانہ تبادلہ خیال کیو۔ اُنہاں نے اس موقع ور روایتی تے سوشل میڈیا ور تمام تر تشہیری سرگرمیاں غے ذریعے اندراج نانہ بہتر بنان ور زور دتو۔ اُنہاں نے ان کھڈاریاں غا بکھ بکھ گروپاں تک پُجن با رے وی کہیو جھیڑا قومی تے عالمی سطح ور اس طرح غی کھیڈاں غی سرگرمیاں مانہ دلچسپی رکھیں۔ اُن نے اُن تیں کہیو کہ وے ایسا دلکش مقام ور

منعقد ہون آلی پہلی تقریب غا با را مانہہ بڑا پیمانہ ور بیداری پیدا کرن خاطر متاثر کن افراد، محرکات غی خدمات استعمال کریں گا۔ مذکو رہ میٹنگ مانہہ سیاحت با رہ کمشنر سیکریٹری نے اس پروگرام نانہہ کامیاب بنان با رہ محکمہ غی تیاریاں با رہ جانکاری فراہم کی۔ واضع رہ جے یاہ میراتھن اپنی نو عیت غی پہلی ہون جا رہی ہے۔ کیونجے 18 تیں 35 بہراں، 36 تیں 50 بہراں اور 50 تیں بدھ عمر غا گروپاں مانہہ مکمل تے نصف میراتھن دوہاں واسطے پُرکشش انعامات غو اعلان کیو گیو ہے۔

JK Earthquake

جموں کشمیر مانہہ اج نکی لو ضلع با ریمولہ مانہہ 4 عشاریہ 9 غی شدت غے نال اک درمیانہ درجہ غو زلزلو آیو۔ اک سوشل میڈیا پوسٹ مانہہ زلزلان با رہ قومی مرکز این سی ایس نے زلزلہ غو مقام، ویلو تے شدت غی تفصیل دسیں۔ اس سلسلہ مانہہ فوری طور کسے وی جانی یاہ مالی نقصان غی اطلاع نہیں لی۔ حکام کسے وی مزید پیشرفت غا سلسلہ مانہہ صورتحال غی نگرانی کر رہی ہے۔

CRPF

گذشتہ روز ضلع اُدھم پور غا چل گراں غا ڈوڈو علاقہ مانہہ سی آر پی ایف غا اک انسپکٹر غی دہشت گردانہ حملہ مانہہ شہا دت ہو گئی۔ جد کہ نیم فوجی دستاں غی گشتی پارٹی ور گھات لا غے حملو کرن آلا دہشت گرد نسن مانہہ کامیاب ہو گیا۔ اس سلسلہ مانہہ حفاظتی دستاں نے دہشت گردان غو پتو لان خاطر علاقہ مانہہ بڑا پیمانہ ور تلاشی مہم شروع کر دتی ہے۔ حکام نے دسیو ہے جے سی آر پی ایف غی اک ٹیم چل غا علاقہ مانہہ گشت کر رہی تھی جد اس ور چھپیا وا دہشت گردان نے حملو کر دتو۔ سی آر پی ایف غا جوانان نے جوابی کارروائی کی جس غا نتیجہ مانہہ ٹاکرو شروع ہو گیو۔ اس ٹاکرا غے دوران ریاست بریانہ غا رہن آلا سی آر پی ایف انسپکٹر کلدیپ کمار نے جام شہا دت نوش کیو۔ فوج، سی آر پی ایف پولیس تے ایس او جی غی نفاذی ٹیم موقع ور پُج گئی اور علاقہ مانہہ تلاشی شروع کی۔ پر دہشت گردان سنگ کوئی وی رابطو نہیں ہوؤ۔ مذکو رہ دہشت گردان غی گنتری 3 تیں 4 دسی جا رہی ہے۔ واضع رہ جے چل غو یوہ واقعو ڈوڈہ ضلع غا آسر علاقہ مانہہ گولیباری غے 5 تہاڑے بعد پیش

آیو ہے۔ جس غا نتیجہ مانہہ اک فوجی کیپٹن غی شہادت غے نال اک پہاری ہتھیاراں سنگ لیس دہشت گرد غی ہلاکت ہو ئی تھی۔ تازہ ترین ہلاکت سنگ اس بہرے جموں کشمیر مانہہ دہشت گردی با رے ہلاکتاں غی گنتری 74 ہو گئی ہے۔ جان گنوان آلاں مانہہ 21 حفاظتی اہلکار شامل ہیں جد کہ 35 دہشت گرداں مانہہ وی ہلاک کیو گیو ہے۔ ان وچوں جموں خطہ غا 6 ضلعان ڈوڈہ، کٹھوعہ، ریا سی، پونچھ، راجو ری تے اُدھم پور مانہہ 30 موت ہو ئیں جن مانہہ 14 حفاظتی اہلکار اور 6 دہشت گرد شامل ہیں۔

Lecture AI NCC

آتی نسل غا ذہناں مانہہ مضبوط بنان غا سلسلہ مانہہ نگرہٹہ مانہہ این سی سی تربیتی اکیڈمی مانہہ مصنوعی ذہانت وراک زبردست لیکچر تے تقریب غو انعقاد کیو گیو۔ اس تقریب غو اہتمام آئی آئی ٹی جموں غا 3 شاندار طلباء سورو سینی، آشرے گپتا تے آیوش گپتا نے کیو۔ جس مانہہ اُن نے این سی سی 5ا سو کیڈیٹاں مانہہ مصنوعی ذہانت با رے واقفیت کرائی۔ تے نال ہی اُنکی حوصلہ افزائی وی کی۔ مذکورہ تقریب مانہہ مصنوعی ذہانت جنس غا دلکش دائرہ مانہہ نہایت ہی احتیاط نال تیار کیو گیو۔ جس مانہہ بکھ بکھ شعبان وراپیلی کیشنز، مضمرات تے ممکنہ اثرات مانہہ دریافت کیو گیو۔

Amity Meeting

بھارتی فوج نے ضلع پونچھ غا ترکانہ غا مقامی لوکاں غے نال اک دوستی اجلاس غو اہتمام کیو۔ یوہ قدم تسلط غی گشتاں غا علاقہ مانہہ باہدا تے مقامی خدشاں مانہہ دور کرن با رے جاری کوششاں گو حصو تھو۔ مذکورہ اجلاس نے غیر رسمی گل بات غا سلسلہ مانہہ اک پلیٹ فارم غا طور ور کم کیو۔ مقامی کشیدگی مانہہ کہٹ کرن اور موجو دہ حفاظتی صورتحال ور تبادلہ خیال کرن مانہہ وی مدد کی۔ اس نے مقامی بسنیکاں مانہہ اک موقعو فراہم کیو کہ وے گھلے عام بکھ بکھ مسئلاں مانہہ حل کر سکیں جن گو سامنو اُن گا ترکانہ غا دور دراز علاقہ مانہہ اجلاس غے دوران خطہ مانہہ دہشت گردی غے خلاف رل غے لڑن با رے فوج تے عوام گو کردار اہم تھو۔

اس غے نال ہى خبراں غو يوہ بليٹن ختم ہوؤ۔